

Mawlana Shaykh Muhammad Adil ar-Rabbani

US ﷺ KI MARZI KO QUBOOL KARNE KI HIKMAT

As-Salāmu ‘Alaykum wa RaḥmatuLlāhi wa Barakātuh.

A‘ūdhu BiLlāhi Minash-shayṭāni r-raḥīm. BismiLlāhi r-Raḥmāni r-Raḥīm.

Wa ṣ-Salātu wa s-Salāmu ‘alā Rasūlinā Muḥammadin Sayyidi l-Anwālina wa l-Akhirin.

Madad yā RasūlAllāh, Madad yā Sādāti Aṣḥābi RasūlilLāh, Madad yā Mashāyikhinā,

Dastūr Mawlana Sheikh Abdullāh al-Fā’iz ad-Dāghistāni, Sheikh Muḥammad Nāẓim

al-Ḥaqqāni. Madad. Tarīqatunā aṣ-Ṣuḥbah wa l-Khayru fi l-Jam‘iyyah.

Shukr hai Allāh ﷻ ka, yeh saal hamaare liye ek achha saal raha. Yeh kaise achha tha? Log kehte hain, “Yeh achha nahi tha.” Magar jo kuch Allāh ﷻ deta hain, woh sab achha hi hota hai. Allāh ﷻ jo chahta hain, wohi hota hai; insaan ko har cheez qubool karni chahiye aur usay musbat taur par (khair ke nazariye se) dekhna chahiye. Tumhein sirf uske acche pehlu ki taraf gaur karna chahiye. Uske bure rukh ko dekhna tumhare faide mein nahi. Allāh ﷻ jo kuch karta hain, woh khoobsurti se karta hain.

Isiliye shikaayat karna theek nahi. Shikaayat karne ke bajaaye, insaan ko halaat ke mutabiq dhalna chahiye aur sab kuch usi tarah qubool kar lena chahiye. Iss se insaan ko bahot faida hota hai, khaas taur par ek Musalmaan aur momin ko. Agar koi momin ya Musalmaan naa bhi ho, phir bhi agar woh jo hota hai usay qabool kar le toh sukoon paayega. Warna woh apne nafs se aur dusron se lagataar jhagadta rahega aur bilkul ulta hojayege. Woh har kisi ke khilaaf hojayege; naa sukoon rahega naa khoobsurti.

Isiliye, Allāh ‘Azza wa-Jalla ki ijaazat se, yeh saal barkaton bhara raha, shukr hai Allāh ﷻ ka. Kuch log hajj par gaye aur unhein hajj naseeb hua. Allāh ﷻ unke iss amal mein khair ataa karein aur unke hajj ko qubool farmaye. Eid ke din bhi guzar chukay; woh sab din khair aur barkat ke sath guzre ho, InshaAllah. Allāh ﷻ hum sab ko barkatein ata karein aur kisi ko bhi iss raaste se juda naa kare.

Woh humein Us ﷺ ki hikmat ka hissa ataa farmaye. Ek hikmat wala shaks, tamaam acchaiyyan paa leta hain. Jo hikmat se mehroom hota hai, woh badd-kismat hota hai. Aise log hamesha bhalaai ke bajai bura chahte hain; chahte nahi balki har woh cheez joh buri hoti hain usi ko muntakhab karte hain. Woh bhalaai ko bura samajhte hain aur kisi bhi cheez ko uski asl haalat mein qubool nahin karte. Allāh ﷻ hamein un logon mein se naa banaye, InshaAllāh. Allāh ﷻ hamein sab ko sukoon ata farmaye.

Mawlana Shaykh Muhammad Adil ar-Rabbani

Wa min Allāhi t-Tawfīq. Al-Fātiḥa.

Mawlana Sheikh Muhammad Adil ar-Rabbani
10 June 2026/ 24 Zul Hijjah 1447
Fajr Namaaz– Akbaba Dergah, Istanbul